

LOKE "NUMISMATICA" KIERMEN

Pa: Don Mario Odor

"NUMISMATICA" a deriva di e palabra latino "Numisma" cual n a su vez a origina di esun griego "Nomisma" cu ta nifica MONEDA, o locual ta sanciona pa ley. "Nomizein" ta significa sanciona y "nomos" ta ley, pues literalmente "Numismatica" ta: "ley di moneda" y e ta encera e estudio completo di moneda y tur loke cu ta relaciona cu tal e.o, m edalla, ficha jetons, mereau, pattern, sistema di cambio primitivo, etc.

E hobby di colecciona moneda ta data di epocanan remoto y ta dificil pa duna un fecha di su origen.

Un cos ta sigur y esey ta cu e hobby a cuminza door di e tanto piezanan diseña artisticamente y traha durante e glorioso era di Atenas y despues na Roma, reflehando riba cada pieza nan poderio y nan gloria.

E promer monedanan cu a ser traha a bini di dos diferente sitio aparta na mundo: China y Asia Menor.

No ta sigur cu nan dos lo tabata tin influencia riba otro y tampoco ta sigur cu si e invento lo tabata na mesun momento. Mayoria di expertonan riba e tereno aki ta kere cu Asia Menor a bini promer cu moneda door di su cultura hopi avanza.

E monedanan aki a ser traha di electron, un mezcla di oro y plata, cual materia por a ser haya na abundancia den e rieuw Paktolos na Lydia.

E mezcla aki no a resulta beneficioso pa e motibo cu e diferencia entre oro y plata no tabata stabiel y pronto nan a cuminza ta traha moneda sea den oro of den plata. Siglonan a pasa, glorianan di antaño a cay, y hasta otronan a nace, pero e hobby di colecciona moneda a crece y awe e ta algo entusiasta, interesante, y sobre todo un hobby educativo cu ta refleha e cultua y e historia di un nacion".